



surat popular la' o hamutuk





instituto ba analiza no monitor rekonstrusaun timor loro sa'e

hari sistema saude foun



Se mak iha influensia ba ita-nia saude?
Ita rasik, ita-nia familia, enfermera, doutor,
mestre, governo, igreja...

Saude inclui buat hotu hotu iha ita nia moris.



“Ita bele estuda husi sistema saude Indonesia.”

husi Irma Maria Dias

Ita hare durante okupasaun Indonesia,
doutores Indonesia mai iha Timor ho interesse deit ba osan
do que atu desenvolve saude povu Timor.
Sira loke praktika privada no farmasia.
Sira fo'o receita barak ba pasiente atu ba sira nia farmasia.
Saude ba ema riku
no ema hirak nebe iha konesaun ho ema bo'ot
hetan oportunidade barak liu do que ema ki'ak.
Kualidade servisu nebe ita simu depende ba osan.



“Ita bele estuda husi experiencia iha Mozambique.”

husi James Pheiffer

Mozambique hetan independencia husi Portugal iha tinan 1975.
Sira desenvolve sistema saude atu servi ema hotu hanesan.
Experiencia ne'e sucesso tebtebes.
Maibe governo nia interesse muda ona.
Sistema saude sai dependente ba ajudo internacional.
Banku Mundial no IMF suporta sistema saude privado.
Sektor saude publiku lakon suporta.
Ohin lora, ema nebe selu mak sei hetan tratamento diak
liu do que sira nebe la selu ou selu uituan.

Preguntas ba diskusaun:

????????????????????????????

**Deskute perguntas hirak ne'e hamutuk ho colegas,
familias, mestres, chefe suko no ema seluk-seluk tan.**

Se ita bo'ot moras, ita bo'ot
hetan atensaun mediku?
Se la'e, tansa?

Oinsa mak ita bele fo atensaun
no prioridade ba
edukasaun saude preventiva*?


Ema hotu participa
iha procesu hari sistema saude?
Oinsa feto nia partisipasaun?

Oinsa comunidade servisu
hamutuk ho governo
atu garantia katak ema hotu
hetan tratamento saude?

Oinsa mak povu Timor Loro sa'e
bele hamriik ho sira nia ain rua rasik
no la bele depende ba nasaun seluk?


*saude preventiva mak: iha be mos, sanitasaun, hamos
uma, la soe foer arbiru, fase lima antes atu han, hahan di'ak.

Saude mak direitu ema nian Saude ita hotu nia responsabilidade



Se hakarak fo kontribusaun ba surat popular
ka husu informasaun,

Imi bele kontaktu la'õ hamutuk:



Ofecina La'õ Hamutuk
Becuse leten, besik STM
Dili, Timor Loro Sa'e
Telefone: 325-013
HP: 0408-811-373
Bele koalia ho:
Ines, Benjamin,
Pamela ka Markus

Topicos Surat Popular tuir mai sei koalia kona ba:
osan, banku mundial, partisipasaun fetõ iha rekonstrusaun,
agrikultura, edukasaun